

錢文敏公全集

茶山詩鈔卷之三

武進錢維城稼軒著

弟維屏 維喬編次

姪

錢

伯壻

子中銑

致純

校字

辛未

依園八景和田退齋少宰卽送歸山右八首

高閣俯城闕下有青楓林城中自煙霏林表餘清陰開
窓延遠岫盡日雲無心時還理緜帙聊復張素琴因之
愜幽抱入山何須深

鄭公掛冠後避地耽幽巖落落視七松用舍何其恬良
材抱貞志往往驚愚凡勁節諒無改清霜豈云巖盤桓

溯高風山骨秋嶄崑

幽竹西窻下清陰尚如斯可憐瓊玕色無復桃李姿極
浦送遙影夕烟漾漣漪杖履尋雲根昌谷空前期寂寥
念君子臨風結相思

繁英恣披猖曲徑饒綽約何路訪虛亭雲深萬花幕清
流繞其側花片莫輕落坐把一卷書悠然足娛樂逍遙
白日長門外任飛蓋

芍藥廣陵花於今宜北土謝公家沁園金帶分南譜繁
華豈消歇春暮東山墅歸去啟清樽好共將離語何似
上豐臺紅塵暗花雨

山意方衝寒苔痕未應破寂寥美人意素軫愁寡和春

風二十四明月勞相過結子會有期離離雨中大沂公
詠詩日且作袁安卧

虛堂宜靜夜拂牖生微風秋懷渺何許新月當梧桐離
披階下花暗挹白露叢依微南山色稍見東籬東應有
柴桑老漉酒來相從

秋英已可玩秋葉顏更莠其此凌霜意歲晚無爲嗟嵌
巖蒸晴空暎水薰平沙扁舟泛前溪弄影侵朝霞更愛
瑟瑟波微風在蒹葭

送段祈年之鬱林任二首

尊翁改齋先生
曾任柳州別駕

柳州舊是趨庭地勾漏今看乞郡來榕葉滿城春兩暗
清陰半是手親栽

重見清風陸奏曹攜琴獨解對霜毫他時若愛岑溪石
應借輕帆載一艘

短歌行贈莊仲醇

仲醇以遠式未畢試

莊生獨彈古調愁知音嗒然自擲千金百衲之雕琴萬
人失口呼蒼冥天乎人也何庸心卷策歸來視君舌璞
猶未獻足何用毋爲旁觀盡切切昨日雷霆一尺雪人
生萬事何足說

題畫扇贈琴客錢宇老

志在流泉亦在山扁舟一鶴出塵寰不須更抱雲和去
自有海風吹汝還

新秋

一雨墜庭綠蕭然暑氣收涼蟬方抱葉未解報新秋

秋村晚步用李東陽韻

時接 駕石槽同
直諸公寓板橋村

出郊始覺晚涼生水淺沙輕愛久晴殘照半天新雁影
秋山一帶暮蟬聲兒童爭訝填車馬野老都忘問姓名
正是林稀初墜葉

離宮遙見五雲平

題儲茗坡諸公遊王氏園林詩卷後

城南咫尺路亦復似天涯自有三間屋終朝不着家
心問儔侶掩口說烟霞根觸王孫句孤燈夢落花

金太常扈

駕上

陵回攜得易酒同星齋前輩小酌限易字

平生非酒徒束縛苦偏窄但得良宴會千金莫輕擲清
卿氣豪邁詩酒情所適裘馬從上

陵飽噉黃羊炙十千買芳醕急置明駝驛一日幸不齋
兼來不速客開尊旋命酌百罰何足惜太邱老都講詩
壇稱二伯耳熱共雄談聞者爲辟易西風蕭蕭來杯底
秋水碧飲此醉士心不醉已一石

偶作

上方辛苦歷烟霞西指瑤池不見家記與碧桃曾有約
三千年後定開花

送裴漫士少司馬江南典試

大江發岷山黃河下積石盪搖天地涵古今明公才大
與之敵盧峰精氣不可遏錦纈五就登尺璧欬唾隨風
亦典謨詠諧遇事猶竹帛文章豈必憎命達視此聲名
與官職朝端丰度領後塵宣室疇咨慰前席一時豪俊
盡門墻梧桐枝碧珊瑚赤中原麟鳳本踟躕况采奇毛
搜逸翮幾輩吹噓已上天在于城也無能役領蓋班荆
溯疇昔身到龍門幾千尺論文尊酒不嫌深後堂絲竹
紛相卽意氣相期復何說千金買絲繡不得故公羨公
奈公別處處隨公作春色送公到荆門送公到兩浙送
公又到江南北

題畫送客

江亭昔分袂烟水遂茫然落月杜陵夢清風吉甫篇如
何一尊酒仍接舊離筵贈爾惟春色雲山共渺綿

壬申春帖子三首

社鼓猶催臘椒盤早獻辛東皇知有慶先報十分春
綺甲重週第一年

璇闥日暖啟芳筵欲知春信循環轉數遍天星萬八千
璐祀光搖旭日紅十行

丹詔五雲中湛恩溥作瀾漫雨和氣噓爲長養風

壬申

奉

勅題

御筆古榦梅圖歌

江南古寺傳古梅枯枝冷蕊凌寒開久甘疎放雜榛莽
託根何意親蓬萊一自移陰入

閒館菰蘆下士登清殿第一當年

錫品題栽培獨荷皇天眷迎風初着幾朶花春暉寸草
酬芳華綺牕含笑對初日素影落落明晴霞幾餘貌得
梅花譜着紙松烟盎生趣漫說華光三兩枝直掃雲林
一萬樹神來放筆不可住更灑幘頭作長句應是臺端
卽化工吟成寫出都烟霧梅花在樹亦在紙香色儼茫
不知處是時忽覺雲迷濛飄颻玉屑灑長空六蕊有意
助清賞并入筆底扶搖風獨憐寒瘦能邀此五清三友

徒爲爾長廻青眼玉樓中管領東風到桃李

題儲鴻臚雲泉訪僧圖

鴻臚昔日官諫議稜稜丰采如秋霜鸞鳥不妄擊雲衢
得高翔直聲一日震輦下驄馬特出增輝光雲龍茫茫
風雨大雷霆勢撼兒童怖誰知歸院一無爲丈室焚香
愛禪悟示我一冊尋僧圖雲泉滿眼供清娛知君寓意
別有在雪鴻陳迹看模糊我思韓昌黎守正排二氏湖
州謫後交大顛孟簡尙書有皆識君今遭逢甚
聖神諫行言聽膏澤頻英雄爭欲買絲繡
天子方開麟閣新綱常隻手奠扶定狂瀾竟倒伊何人
吁嗟丈夫竹帛底事無枯禪兀坐胡爲乎

送晴崖蔣大中丞出撫豫州

河南夙昔原京尹樞府新推節使才春澤近知伊水澗
晴光遙見嶽雲開旌麾雄概飛行部尊羊餘閒付吹臺
願體朝廷寬大意一時真領寇公來

奉

勅題畫

一片晴雲帶雨痕夕陽橋外水潺湲此中依約東坡句
認取江南黃葉村

又

多應愛鳴澗臨水結高樓挂屐休探勝推牕竇臥遊雲
來山意動雨過樹痕浮漫試劉褒畫幽棲易早秋

題蘇叅知相馬圖

蘇公世本名王家從龍啟主居京華十三讀書出塞外
突兀已跨流金駟屬國翩翩二十六定邊將軍佐帷幄
鳴鑣屢過野狐川掣電時經射虎谷卽今黃閣幾經年
昔時鬢髮看漸斑飛揚意氣尚復爾獨漉罷舞心茫然
自言部曲陰山北有牛千頭馬千匹平生神駿心賞真
千中選十十選一月題雪腕桃花臆顧盼矜奇自超佚
幾家高價購千金長安不敢輕騎出復有三匹俱昂藏
金羈玉勒爭精芒天閑闕虎不可見闕虎駟上四此馬
亦足稱騰驤丁生善畫今韓幹丁觀鵬畫院名手曾圖
十駿南熏殿乃翁老筆更紛披漠漠長風起生絹坐公

磐石臨清津意外指點如有神
綉頭奴子亦逼肖一一
綉染天機新浮雲連陣埋風塵
莫對圖畫輕騏驎沙耶
牝牡倘不失我亦薪菜擔纏人

次韻題白雲草堂圖

草堂在西湖
來鳳岡下

憶仍羽客訪丹邱結得名區五載遊
山色終朝對棐几
潮聲半夜起危樓塵懷忽遣無端別
高臥誰臨自在流
今日煙雲重過眼白鷗浩蕩使人愁

題紫薇花應

制

十年重到看花省一種恩私雨露新
今日圖中題綺語
摘毫敢認別花人

錢塘梁相公陳情歸里東山師爲作望雲歸棹圖

因題以詩

悠悠浮雲深下有千仞山元老志許國因之感承顏
聖人體至情暫許辭鵷班珍賜備優渥愛日供餘閒
夔州夙有紀盛事傳人間幾人黃閣內復此萊衣斑
長林秋色清仙舟渺河關亦有吧咭念徒爲自厓還
白雲浩南飛可望不可攀

題阿相國高麗奉使圖

古來元老職中外六台茫茫協元氣契丹使者畏姓名
雞林賈客求文字德望威名今孰似長白相公我夫子
三朝敷歷總台司一代文章遍桃李昔年仗節和西戎

葡萄苜蓿歸漢宮天威遐播犬羊警坐銷矛戟鳴歌鐘

朔漠橫戈凡幾輩獍狔獨爲諸部最至今玉帛赴朝正

司馬

公傳

與公功最大混同江外高句麗職貢惟謹歲不

遲前者我公往鎮撫高牙大旆相追隨楊花渡口揚征

帆騶從雜遝神嵩巖藩臣幾度拜天使山岳儀表驚非

凡清興還留慕華館粉紙白砸斑竹管山川民物入轄

軒行篋收來凡幾卷旂常勲在身不知閒教粉本圖風

詩不畫西征畫東使世人那得探其微全羅辰韓及平

壤几上煙雲案頭幃已如圖籍歸蕭何况有河源尋博

望嚇蠻檄蜀夙有書威德震疊傳康居會須好手寫顏

面路公今未八十餘誰人更擘鵝溪十丈絹別構絕域

皇華圖

題墨筆紫薇花

輕雲細細簇花房，最喜移陰近鳳凰。
爲伴侍臣朝視草，紫泥新帶墨痕香。

護竹棚

消寒初集分賦

種竹或非地，護竹乃有棚。物以遷地貴，因之驗人情。
每先葯欄葺，詎與瓠菜傾。結構臨軒墀，快映高齋晴。
唐花明綺牕，溫室有餘清。主人意珍惜，曷哉歲寒盟。

和周讓谷旅寓述懷原韻卽勸之官四首

高歌風起夜蕭蕭，人去金臺天次寥。
世事總迷三里霧，聲名已到九層霄。
盡知食古能便腹，漫說逢時在細腰。

一出橫門回首望龍媒何處不騰驍

地異蠶叢豈返車掉頭終是老樵漁盛名自古多難副
儒術於今恐易疎暫且鸞凰棲枳棘幾曾廊廟棄璠璣
看君捧檄心應喜顧我高堂尚倚闔

平生學步愧邯鄲局促隨人意未安乍結新知便傾倒
獨彈古調亦艱難蘭臺聽鼓還相憶花縣鳴琴莫妄干
只有詩筒來往近一編倘得退衙看

已辦金章換翠管不妨鉛槧訟庭閒再休向客仍搔首
多有同人爲厚顏四十專城原命達十千沽酒橋邊慳
從來吏隱難兼得終恐溪花笑未慚

癸酉春帖子三首

天意如人意春朝卽歲朝曉開闔闔望雲物煥三霄
萬戶春雷報好春百花燈爛儼星陳文昌殿裏雲翹舞
都插銀旛拜

紫宸

三素雲開當上日少陽風動怡朝元東皇解獻

慈寧壽北斗翹杓酌酒尊

癸酉

題徐隣哉中翰自書詩卷

隣哉耽書成癖渭南中翰以詩止之隣哉和韻

卽書長卷以贈

解詩不必皆通詩徐君書法吾能知蠅頭亦作勢尋丈
香光妙論良如斯廿年通籍中書省宰相去來都不省

閉門日日事揮毫萬樹芭蕉一官冷索書如逋斷不得
譬之止酒與拔白渭南空作解嘲詩不如爲我驅盡癖

題東軒相公詩畫冊四首

畫官署後園諸景
每景各係以詩

使節推良相東南保障高江河自清晏魚鳥亦憂勞榻
畔開千帙墻頭過萬艘平成無一事燕寢命揮毫

綠野陶情地名園亦有圖池臺通浩渺梧竹不清孤畫
意無三伏吟情動五湖遙思東閣裏裙屐足歡娛

衙齋開咫尺卽是午橋莊仍以茅茨舊兼多菡萏香小
車時躑躅側帽偶徜徉絲竹東山興風流合未央

下土菽蘆賤高賢館閣深慚爲牛馬走空接鳳鸞音半
壁資河潤全家仰樾陰何當隨部曲親切奉華簪

雨中過劉絜亭翔鶴堂出麓臺司農畫冊見示因
成長句

本朝山水祖二派南田擘與司農王亦如詩家有李杜
子英雄博青蓮狂兩家俎豆並不朽餘子別出誰能當
吾生夙有山水癖如酒得麴飴粘糖白雲溪口居最近
頰首逸客飯辨香司農真跡見亦駭大抵粗枝大葉蒼
茫直上追倪黃絜亭此冊足竒愕乃是司農少時作牛
毛騾角細莫尋五丁乍開脫斧鑿始知二派會源處總
與乾坤同橐籥是時五月天無雲炎炎火繖蒸如焚錦
幘欲啟烟已動氣接簷際俱氤氳須臾雨積空階上紙
上泉聲亦齊響三山渤海在眼前列子浮邱其俯仰自

從挾策辭柴關。緇塵滿眼，不得閒。粉本已拋。富春渚，臥遊長憶蕭然。山舊時、湖上讀書處。七十二點空烟。鬢雲變過眼，若相識。恍然騎鶴清秋。還安得挾此與俱老。一生坐臥烟霞間。

闋思

漸覺楊花入鬢絲。醪醖開後盡春期。幽牕夢醒生長歎，未許梁間燕子知。

贈裘漫士少宰典試浙江

羸馬衝泥八九年。舊遊迢遞海雲邊。送君幾度杭州去，一度回頭一黯然。

一笛西風遂渺茫。紫陽山下自秋光。君行若到通元觀，

訪我題詩舊草堂

送莊方耕典試湖北

自古才人說楚中
澧蘭沅芷徧秋風
使君結得珊瑚網
三歲重來枝正紅

曲江同宴入承明
猶是連牀夜話情
一種西風閒聽雨
不堪兩度送君行

南雲渺渺望中生
羨爾同行戶郎切一鳥輕
君到三湘初

有雁天涯應見弟兄情

飛燕粧牡丹貴種也
小山宗伯以所畫折枝索咏

因題四絕句

密葉從教低扇遮
漢宮嬌額隔紗幮
莫矜卯酒酣春色

獨愛輕衫學道家

寶鏡臺前金巨羅
竊紅一捻占春多
倘教並倚欄干外
愁聽凌風掌上歌

一朵輕紅帶露翻
已堪壓倒洛陽園
誰家新譜收千本
分得當年歷袖痕

檀心微暈暗香通
金蝶飛來自一叢
若問尋常寫生手
胭脂買盡恐難工

嘲裴漫士新納姬人六首

生小名應是小憐
綵絲約臂出當筵
康成諸婢王詩句
只讀周南第四篇

青鳥前期信錯傳
洞房簾幙鎮長懸
鳳簫吹動鄒生律

待缺鴛鴦已二年

辜負年年杜牧遊使車空自返揚州美人意外乘槎到

疑是黃河向北流

合河老師議徙黃河復故道少辛願以爲不便故戲及之

丹砂撒米莫疑無驗取筵前冰雪膚堪笑蔡經真狡獪

託言搔背備麻姑

趨朝多在曉鐘時一晌紅腮竟不宜好向尊前看仔細

羊燈未上到家遲

晝短遺感愛夜長須知冬令勝春光溫柔鄉裏叅消息

不得頻添翠線長

是夕正當長至

蔣詡多情逗好姻信風分得洛陽春寄言求仲休忘却

須報當年贈艾人

此事始于晴崖司馬今已出撫州矣

不作尋常花燭詞，急需酒盞潤枯脾。
燈前敢效劉楨視，要讀前宵却扇詩。

送張長林同年之任金華

金華講學地樽俎，在人間幾載嚴灘。
任風流我夙嫻，都裝牒少不廢讀書閒。
好去攜琴鶴支頤看暮山。

寄淳安令劉翰齋

清溪風俗古吏隱，勝神仙是我趨庭地。
回頭二十年崇祠烟磴上，
前明海忠介公曾宰此邑，祠在縣之南山麓。野市浮橋邊父老歌。

新政應同舊尹賢

題畫二首

萬木生秋礪羣峯，俯碧流溪聲聽不厭。
清韻滿山樓。

雲外孤亭迴烟中曲磴浮結廬多逸興領取萬山秋

又

東崦西崦薄暮前溪後溪早秋橋在白雲渡口人吟紅葉樓頭

奉

勅題

御筆仿倪瓚筆意

塵外溪山木落初幾多着墨致蕭疎淨名居士稱清絕
叅到無聲定不如

甲戌春帖子三首

協氣徵嘉歲天門啟應臯上辛元日合太甲五雲高

雲飛三素彩幡裁芳信無煩畫鼓催恰好銀花開似錦

試燈風裏報春來

十三日
立春

處處春犁兆有秋河清頌獻慶懷柔榮光散作文明氣
奎壁騰暉遍十洲

題畫雜詩三首

遠岫澄雲色平溪澹夕陽濤聲何處發松下讀書堂
松風盪微波空谷答清響行吟過野橋浦口秋雲上
秋山平遠致蕭疎扶杖歸來夕照初遙指前溪烟霧裏
半林黃葉是幽居

奉

勅題

御筆仿蘇軾墨竹

幾竿臨玉局水石共參差
明月忽來影疎風欲土枝梅
牕清可伴松火暖相宜
想得含毫處春生烟霧姿

又

松益初蕤掃餘寒翰墨清妍
洽古歡鳳尾數枝天上出
先春特地報平安

奉

勅題

御筆仿趙孟頫枯木竹石

墨花卽元氣著紙春容盎
密葉疎枝中烟雲自來往

甲戌

題東山師畫竹

筆底蕭蕭響神來萬个成懸知風雨夜定有打牕聲

題張鏡壑學士山水六幅用介景菴少宗伯韻六

首

山僻悄無地幽巖占幾家遙看千樹裏一二青蓮花澗
水到門盡溪雲拂戶斜此中塵路絕惟有暮歸雅

上上入寒空山樓露石叢高松邀落日曲磴溯回風雲
去峯疑墜林開路漸通一鞭何處去清磬在花中

茅亭敞秋色落日在平蕪幽意澹將夕道人清且癯竹
雲開窈窕鴻影入虛無看慣蕭疎趣吟情定不孤

閒雲滿幽谷欹岸接廻汀山色上下古松陰遠近青何

人白板屋靜讀黃庭經微雨過林表有時吟翠亭
誰將一匹練掛向北山巔本是暑中雪強名雨後泉岫
雲何自合巖月鎮長懸無事閒翹首塵襟爲洒然
雙桐陰一畝合結讀書堂未夜已疑月先秋早送涼閒
中消永日淡處發真香好約同心侶移琴坐石牀

題畫扇

濃雲乍啟山樓外湖上烟嵐濕翠鬢記得秋山半晴雨
短篷吹夢過西灣

題張就軒赴門口號軸卽送歸桐城二首

白頭也算抽身早碧嶠從今着脚頻多少閉門猶未悟
滿天街鼓夜行人

紫微省下陪前輩十二年來逐隊行自有故山拋夢裏
龍眠青翠讓先生

贈王蘭泉二首

永巷聞歌聲歡愁不同調儂情一寸燭能得幾多照
清淚掩重袖君行豈忘家須知鸞鏡影不是菖蒲花

石槽曉發

晴雨氣相薄曉山開未能行行入深霧稍稍出高陵白
散雲千片青仍石數層此中大小米畫手見何曾

自王化莊山行見雲氣吞吐可愛

昔讀黃山記空懷雲海歌不緣侵曉出焉識亂峯多霧
雨衝人沒烟嵐換眼過前行稍無路跋馬上坡陀

熱河野眺

藍水西來接近關，萬家煙火萬重山。
沙隄門外看三衛，非復當時舊朶顏。

湘雲歌

湘雲王白齋家婢也，黠而韶秀，十四歲死矣。甲戌五月避暑灣河，有感而悲焉。錢子作歌以遣之。

湘筠翩翩十三四，嚼蕊吐花喚郎字。
王子走泉千尺心，化作鴛鴦一池水。
叢蘭露啼朝旭裏，入抱雲綃碧煙起。
紙灰舞影愁滿空，墜地珍珠土花紫。
夜半騎龍呼妙子，幽宮沉沉幾千重。
一寸玉環紅約指，月魄重茲不曾死。

熱河卽事

紅蕖綠柳水灣環，絕似城西萬壽山。
今日春風無遠近，不勞羌笛怨燕關。

題畫贈介景菴前輩

直次對遙岑，飛雨灑清曠。
映我研池雲，圖君案頭障。
懸知槎枒樹，不在前山上。
何當躡虛亭，晨夕靜相向。

又題畫扇贈景菴

落日草堂外，白雲生敝廬。
迴看千嶂曲，一徑入空虛。
崖迴陰多合，林秋葉易疎。
主人耽寂寞，應學太元書。

直廬對雨

拂牕微覺晚涼生，枕手將眠夢未成。
恍到越溪來往路，

孤舟深夜打蓬聲

雨後下直

山莊雨過夕陽微
泥滑何妨騎馬歸
回首鍾峯雲外影
樹頭一幅布帆飛

寓齋雨後

一雨如秋解客顏
退衙仍對夕陽山
寒門白雁知消息
何必西風始入關

寓齋虞山相國手植杏三首

相公退直吟詩地
牕網傾欹土壁頽
只有一株山杏樹
至今人說手親栽

杏花開後人初到
杏子丹時客欲回
堪歎樹頭春燕子

年年看換主人來

拳枝密葉尙依然花實空時亦可憐我欲旁栽大椿樹
少留春色一千年

介景菴前輩以塞山蝴蝶見贈并繫佳什卽次原
韻奉酬

一笑開奩見蝶叢還疑團扇曉翻風頓令塞女增顏色
終使山花怨粉紅黃鳥語稀零露盡青陵信斷暗香通
知君欲榻滕王本貼翠調朱取次融

雨中過青石梁

山不必太行水不必孟門飛流千尺拔地萬仞要在奇
險驚心魂噫嘻危乎高哉青石梁西睨留幹東跨廣仁

中間鳥道盤屈三十里跳躄飛颺踈踈難躋攀

仁皇昔遣五丁處至今兩崖劊削猶有斧鑿留其痕棧
路旁嵌千疊礧礧中巨石橫梗磊砢如星繁欲鎖不鎖
勢益怒歎珠濺沫礧若驚雷奔山靈不肯洩幽怪霧雨
漠漠相遮吞有時凌空一石忽欲落巔嶺茫蕩旁無根
霧深雨黑漸莫辨若泛溟渤迷津源千乘萬騎杳何在
微聞雲際人馬雜還爭厯喧何況榛楛栝栢雜瑣細枝
擎葉塞交糾紛爬沙一任駑馬足進寸退尺愁顛翻不
知何處是絕頂突有峻坂陡下臨無垠上如逆浪上三
峽下如揚帆下崑崙境竒興極不可止回首大叫但見
霧雨一氣空渾渾

泗馬

藍河一夜萬馬發雷擊天山走日窟
石駟類轉九百尺長橋斷椿梁
我來立馬不得渡卷轡收韁寄危筏
圍人袒衣赤兩頰手提長鬣趨驚湍
初猶齧蹄作倔強漸且沒蹠過憚體
昂頭噴沫乍欲轉拘項奔流不容緩
忽然汨沒茫無踪人馬俱入洪濤中
兩涯觀者盡失色河流滾滾來腥風
須臾濤頭兩萍見人耶馬耶不復辨
失身敢與泥沙爭怙勢猶挾蛟龍戰
回看宛轉數里波突見長嘶躍高岸
弄潮夙昔傳水嬉東坡泗犬亦有詩
呼風徑渡想自昔那不失口誇吳兒

夜宿三道梁

翠屏萬疊當前落，三道梁頭豁兩陲。
急雨忽飛黃土嶺，斜陽尚掛青松枝。
荒村避虎閉門早，疲馬帶泥投店遲。
獨倚茅檐待晴漢，天涯又過女牛期。

復過青石梁

昔聞人說青石梁，十度來過九度雨。
一度不雨猶風霾，泉脚山頭徧塵土。
比之漠北與安山，山下居人不知處。
首夏扈

蹕初過時茫茫莫辨山東西，今日重來秋未半。
山靈爲我開真面，天姥曾從夢裏遊。
蜀山真到馬頭見，懸崖飛瀑勢總竒。
險怪莫與窮端倪，來如異書得窺竅。
去若良友當乖離，乍來忽去可奈何。
山泉一酌聊高歌，歌成却

笑山陰道十年羈思爲顛倒

破廟

饑馬投石槽

地名

夜深月昏黃似聞雞犬聲不見居民莊

煙草露半壁有廟歌路旁屋角盡頽廢插棘當虎狼枉
逕聊叩門老僧啞如羊開門揖我入便掃東西廂土銼
少殘芋瓦燈亦微光小憇雜亂葦野飯餐高粱僕夫病
不支自起收絲鞦腰鎌割短草飼馬枯木堂父老三
五人問我來何方未可道姓名錯莫迷行藏一杯月將落
四野鳴寒蠶北斗低闌干曉色漸微茫努力自結束整
鞍理征裝馳驅丈夫懷安用兒女腸

題秋風歸棹圖贈張秋芷同年二首

罷騎桓典馬却泛季鷹舟尊鱸風味好歸得及新秋
平山幾年別鄉思空悠然多慚米老句淡墨寫秋天

寄同年某

與君分手忽三年懷袖長攜贈別篇吾道相期在金石
故山無恙是雲泉射干伺影仍驚客脉望尋書早得仙
此事廬陵先有作好將別錄著歸田

題徐隣哉食貧居賤詩卷四首

蓬蒿豈不安藜藿豈不飽但得箇中趣無爲外人道
先生官獨冷先生意自足原憲一畝宮杜陵五斗粟
平生梁伯鸞未解因人熱與君同素心凜凜矢冰雪
長安多甲第鑑鼎連華茵樓臺鎖暮雨花落難爲春

恭題

御筆仿蘇軾偃松圖

墨池風雨挾煙濃，
貌得髯翁偃蓋松。
直節當時誰見賞，
於今霹靂起飛龍。

御筆仿唐寅事茗圖

何處發茶香，
煙氣颺鬚影。
乃知

寶翰神寫出，
良夜靜溪山。
一閒淡味與清泉，
永六如矣。
真蹟素帙得幽境，
恍憶聽松菴筠爐試新茗。

御筆仿錢選觀鵝圖

山陰逸少耽鵝羣，
霽溪居士爲寫真。
千年卷軸顏色古，
天筆一洗煙雲新。
浴鵝池頭波瑟瑟，
想見黃庭寫初畢。

若教道士攜籠來試一呼之卽欲出

題畫

江色淡容與開帆落照餘煙波疑北渚雲物認南徐沙
岸人家聚山城古木疎鄉關看畫裏風景雁來初

恭題

御筆夷齊廟四景圖卷

子姬戰爭日高讓有逸氓至今層臺上落落松風橫文
王與泰伯至德符休稱惜哉孟津會左右乃欲兵豐水
豈不仕孤竹猶有城大義炳天壤何用逃其名

東巡過祠廟鑒此黃農情

鴻筆標四景辭繪誠雙清嶺山既增色灤水如聞聲青

雲亮再附千古懷景行

茶山詩鈔卷之四

武進錢維城稼軒著

弟維屏 維喬編次

姪

鉞

伯垌 致純

校字

子中銑

中鈺

乙亥

人日分韻得林字

喜逢七日是元日

穹宇祈年

法駕臨遂有東風驗來復更看西嶺豁連陰

杜工部詩 人日至元

日未有不陰時今歲 晴和主人民和樂

人從天際迎佳節春在花前到上

林好與玉溪添故事鸞坡拈韻發清吟

賦得彩勝

剪彩鏤金作幡勝，簪從人日慶華年。
舊傳荆主歲時記，合補容臺月令篇。
兒女擎來添語笑，燈屏映處發鮮妍。
瀛州曾憶叨恩重，雙插宮花拜

御筵。

題畫

溪山如高人，蕭散意彌樸。
復如古異書，險語躡曲悠。
哉平生歡不厭，千遍讀江湖。
我夙昔終老甘巖谷，卽今
閉塵關，仍寫溪上竹。
扁舟夢縹緲，身世在尺幅。
平江七百里，回首一茅屋。

分綠軒對月

夕景清殘暑涼生滿院霜不因風動竹未覺月侵牀有
客吹長笛何人倚曲廊吳歌傳子夜歸夢隔蒼茫

讀蘇東坡守歲詩有感卽效其體

人生積日耳苦不三萬六晨昏一瞥眼鐘鼓無斷續因
之成歲月畢世供鹿鹿日往不關心歲去始知促譬如
守財人錙銖不寓目千金或一擲驚顧乃嘖蹙所以古
高賢夜遊常秉燭

題李瀨篁迂松吟草

巧力億萬才千古爭七字譬如遊名山佳必在險地追
尋日斧鑿造物懼凋敝至今幽絕處必遣雲雷蔽翩翩
李公子年少抱幽致朗月墜高懷浩然吐清氣孟王不

可作復此蕭閒味吾聞絢爛極久乃歸平易霹靂破高
空雲霞漸成麗願進探竒情莫返蠶叢轡

請假南歸出都日留別同直諸公

浮雲日南翔鄉夢久飛越及茲馬首發念與故人濶
桑乾亦故鄉何況其膠漆十年一形影安得輕小別北風
動河梁征馬嘶曉月行行重回首三歎賦采葛

過涿州懷莊方耕

三年悵望楚南天千里還朝我又旋涿鹿郡前南北路
姓名留在驛亭邊

德州繁露書院贈宋蒙泉同年

卿雲近蓬萊五彩發光麗如何出岫心復作還山計才

名推小宋三館類編識棄去擁皋比母乃急傳世秋風
吹德水落日攬征轡塵顏對君子忽若感微醉征馬戀
遙塗虛舟長不繫欲贈繞朝鞭恐遭俗唾涕

過東平州贈李海門同年四首

夙忝同袍似畏之才名端讓義山詩獨憐雛鳳聲清澈
不是冬郎是衰師

令嗣瀆
篁工詩

庭樹森森玉不如筵前一認扶疎定知拄笏看山暇
仍啟芸牕自課書

諸郎皆聰
俊可喜

繞郭清流碧玉灣塵中對此忽開顏欲知宰是神明宰
試看山如姑射山

一盞春醪日已西不須酒盡已如泥五更騎馬烏啼月

翻對君家學玉溪

別後燈下有作却寄海門

匆匆聚散何關慮十八年前憶舊遊同是醉翁門下士
環滁山色是西州

過荏平縣題畫扇贈逆旅主人

平生不作山人癩乞畫紛紛未肯閒今日飯餘無一事
又從茅店寫秋山

壬戌之秋下第南歸與外舅安安先生相遇濟陽
舟次旅况蕭瑟以詩見示依韻奉酬有互審別容
都道瘦僂看遊棗各羸詩之句今請假南歸道由
濟上先生方駐節於此留宿署中剪燭夜話不勝

今昔之感仍次前韻

鴻爪萍踪是夙期十年重此話羈思旌麾坐擁非當日
風雨連吟又一時後晤有憑應聽雪

長至前後北前遊上當復過此

似夢怕翻詩人生此會真難得魯酒如澠醉莫辭

遊南池拜少陵像二首

何須肅公像夢寢見公心白日照天地黃河流古今亂
離遭世苦哀憤入人深太息尋碑碣松杉起晝陰

趨庭記東郡遺跡有南池大雅何由作斯文尚在茲江
山留涕淚風雨動鬚眉何處高樓近東邊太白祠

望太白樓

已瞻少陵像更望謫仙樓日月雙詞客河山一醉侯

本蘇

詩 辭危無九死命達已千秋高檻橫天末於今灑氣流

入沛縣境

喜入江南路舟行第一程猶勞飛夢遠不及挂帆輕倦

鳥尋荒堡浮雲厭晚晴

舟子云天陰當得北風

高堂應計日排悶

酒難傾

南風勁甚舟行頗遲遣悶作

波浪何由息精誠竟未通十年遊子意三日打頭風山
好依舷定雲歸破眼空來帆有底急轉瞬入冥濛

廿九日風不止

稍稍移山郭回回住水村逆風連樹過巨浪挾沙渾空
極高堂目真傷歸客魂投詩贈河伯萬一轉蓬根

望韓莊閘不至

聞道韓莊閘南流勢若傾望先歸鳥沒心與過雲爭遠
客自多感秋風胡不平白鷗吹泛泛閒甚亦無情

八月三十日風雨舟不行

未午衆山黑湖波雜雨涼鷓鴣衝浪喜葭葦得風忙繫
纜長隄動推蓬暗草光寸心吹不轉歸夢濕衣裳

夜雨

湖雲秋易雨山水夜多風聲急波濤裏寒生枕簟中青
娥嬾薊北白髮倚江東此際聽雞意蕭蕭幾處同

微山湖水發

疾風蕩坤軸飛鳥不得泊豁然對鴻濛一葉入寥廓乃

知大水力天地與回薄秋寒蛟龍愁雨急波浪惡微山
倏浮動何況隄岍弱驚心問魚鼈一一失村落低或棲
蒲根高卽據屋角天心存蕩析民氣有彫削頻年勞
至尊側席費籌度北流勢所艱南趨日崩拓防工若防
邊百萬擲虛壑終違就下性錮水待其涸還聞大河南
五壩縱開鏗雲梯旣壅滯范隄阻圻嶠憂端隨奔濤滿
蕩動魂魄誰人持上策禹績在疏鑿

九月朔過韓莊聞喜舟行頗迅

全湖爭一閘孤棹轉雙涯風力難迴水濤聲易走沙岍
移無定草橋急有追鴉稍見人烟起回頭問幾家

挂帆

舟人呼夜半舵尾得高風
破曉鳴鉦裏開帆細雨中浪
花分自遠嵐影過來空頓覺
生毛羽歸猶後早鴻

渡黃河二首

從天幾曲下崑臺
滾滾秋風入塞來
地出龍門無大峽
波連洪澤有奔雷
泥沙萬斛誰當挽
鴻雁千村盡可哀
終使蛟螭蟠窟宅
臨流愧乏濟川才

親巡曾記築宣房
終古神功接大荒
三策上書徒草草
一隄防險自茫茫
銅山誰使橫趨海
湖口要當併敵黃
疏濬由來尊禹績
老成碩畫有平章

謂海寧
陳相國

清江浦河庫道署留宿呈希裴二兄

取次登高待子由
還如九日上黃樓
天清海氣霑衣濕

風急河聲入座流，幾載新霜看到鬢。
暫時叢菊且迎秋，一尊共話京華事。
聽雨連牀竟昔遊。

張秋芷同年招遊平山堂

舊寄平山信，秋風待我來。
故人一攜手，落日共銜杯。
江色諸峰淨，鐘聲片月開。
明朝是重九，先上望鄉臺。

渡楊子江

江澗更多霧，潮平未退風。
日光浮積氣，帆影上虛空。
形勢南徐古，關山北固雄。
壯遊歸黑髮，已是十年中。

遊平山堂拙樵和尚索詩走筆戲贈二首

十載緇塵紫陌風，竹寒松翠夢遊中。
今朝明眼登高地，那得無詩贈贊公。

平生不解爲禪語
竿木隨身亦戲餘
一笠偶同文暢話
莫勞饒舌孟尙書

吳江路中晚行

水氣不成夕
還宜載月行
煙中看遠影
聽取喚帆聲

趙子昂畫吹簫女子圖用宋潛溪韻

離鸞幽吟音在指
空庭露華淡如洗
美人意與秋宵深
聲斷行雲滿天水
含情却憶夜燈紅
秦樓悵望煙朦朧
寧辭纖手弄涼玉
誰憐瘦骨如飛龍
暗泉繞階流復咽
商風蕭蕭動霜葉
青峰不隔女牛情
十二闌干一輪月
不信聲聲杜鵑血
梁塵飛盡斑竹裂

丙子春帖子三首

大地回和氣羣生仰化馳東風無遠近先已到條支
祥開三殿曉瞳矐雲擁

穹壇臘雪融

法駕祈年占有喜青旗恰展試燈風

十三日
上辛

朝正萬國集共球七德功成獻頌稠
頡利前驅到東魯
明堂二月會諸侯

丙子

二月十三日

聖駕東巡啟鑿適軍營奏捷恭紀二律以誌懽忭

九天移綵仗萬里落妖星
雪嶂傳旗見旌門立馬聽獻
功仍在泮伏莽已空庭
便轉尼山駕

橋山答萬靈

務面傳回紇軍門靜不罽穴中擒貳負天外拜票姚野
血蒼鷹急邊風汗馬驕玉關春已度漢將早還朝

盧溝橋觀冰汎歌

二月扈

蹕過盧溝河中水寒始欲流橋頭立馬愛清淺濺濺細
浪沿沙洲晝然萬馬挾金鼓行人騁立色如土居民拍
手叫冰開訇聲雷鳴不得語雷聲訇訇在何處橋下河
流細如故兩涯一裂突兀來山骨嵯峨闕橋柱太水軒
軒若巖谷小冰鱗次如石屋欹斜支柱互擊撞方者硃
崖圓轉軸高隄束怒橫爭先犖确礧碎歛飛烟蛟鼉鱗

蕩失窟宅頓覺天地都回旋寒飈颼颼雲影減千里奔
馳可一瞥不知來自幾重山堆面猶浮隔年雪肯觀眩
駭愁顛仆驅馬河干不回脰宵來萬帳宿新莊風聲猶
作河聲吼

過德州懷安安先生

時公以陳情解職未得與
山左諸公迎鑿界上

目斷長河外浮雲故不開新稊連夜發賓雁背春回親
老能無祿官貧尙有猜知公艱去住悵望隔年杯

小雲門

斷崖開窄徑洞號小雲門覆石居然屋穿空別一村高
風長不隔寒雨忽無痕只少溪流出桃花正欲繁

雨後過平陰縣

時奉命往泰安

雨過空翠滴風轉弱雲低一路杏花發滿山春鳥啼人
家斜崦口城郭夕陽西不信塵中得行行惜馬蹄

奉

命祇謁泰山因登絕頂

平生懷五岳托足首岱宗自非承

帝命焉能陟穹窿靈威迓

宸眷宿雨開溟濛一洗埃壒浮神光豁雲封始揖黃峴
嶺兜鍪撒龜蒙孰知三十盤迴出迴馬峰徂徠獨爭長
半岫却俯躬一徑盡萬仞斗立青霄中竟登天門高直
與帝座通日輪仄絕壁雲氣噓孤松長河注溟渤莽莽
蒼崖東八極浩無際目力有所窮但觀虛無表秦越連

遙空乾坤一亭在

乾坤亭在日觀西

正對青帝宮精禋達臍蠻

遠近聞呼嵩皇章信鴻雁千羽東西戎春巡率虞典豈
曰勒豐庸秦碑將漢碣雕刻誣高穹遂令七十君降與
叔季同使者奉圭幣曷以贊

聖衷惟神司長養億載協雨風

自鄒縣赴泉林行馬頭山谷中遇雨

時奉命祭亞聖孟子

雨分青嶂曲路盡白雲邊半道忽橫澗前山只是烟村
農驚使客谷鳥趨吟鞭信宿王程急翻聯水石緣

東平州途中贈安安先生

薄宦迷前路風塵雜醉醒公今南北客我亦短長亭汶
水他時碧吳山舊白青得緣將母去且作臥滄溟

題裴少宰苑東寓直園

澄懷園中雲萬點一夜風吹作橫卷眼底層臺隔樹深
掌中流水隨橋轉高樓簾影依依捲日色晴烘柳痕淺

寓者何人畫者誰江西少宰山東詵

畫工常詵山東人

聞說名

園新賜得夔龍住近明光側芒屨曾踏水邊亭遙見神
仙初下直蓬萊今日落君手掃花幾費鸞翎帚一種繁
華雨露新纔經點綴別有春仙舟偶動芙蓉瓣塵寰多
少愁迷津夢邊闔闔依微現把卷何曾識公面卽今我
亦畫中人仍似當年隔溪見

夜寓香樹齋贈立之家侍讀兩郎君

虎子墜地時食牛氣已驚還聞丹鳳雛曼玉諧清聲君

家好兒郎美秀莫與京大兒工文章出語驚諸生次兒
熟爾雅豹鼠辨早精餘子各傑出一一頭崢嶸五年香
樹齋把卷懷傳經遙知千里外足慰含飴情霜風吟虛
牕雙梧冷然鳴夜長燈燼暗坐覺兩眼明歸家視通子
梨栗方喧爭

奉

勅題

御筆雪梅

瑞雪已報先春晴南枝北枝態橫生

幾餘一筆意獨得五出六出交縱橫漠漠不辨隄糜痕
但覺有香復有聲展圖忽憶香雪海春信江南早相待

應

制賦得文木八韻

竒文呈散木一節見天全縷細雲初屬紋迴水欲凝束
絲將比軟變石未同堅骨豈冰霜改痕仍雨露偏虺身
輕已蛻蟻穴曲曾穿沙塞沉埋古桐軒拂拭鮮人工辭
藻繪

天筆與雕鏘永荷嘉名錫靈松記萬年

舊名萬年松

題畫

過眼雲烟素願存誰於人外結孤村秋容在樹無留影
沙舛連溪有澹痕吟遍酒旗消白日坐移釣艇待黃昏
故山合着王維畫紅葉西灣舊板門

丁丑春帖子三首

天意回和早春歸臘月中三微迎北陸萬國候東風
三五團圓玉鏡開春隨明月上宮梅欣欣多少芳菲意
先借韶光半月來

南國欣承雨露偏鶯花早發上元前

時巡更邁周官典

翠輦重來又六年

丁丑

蔡少司寇陳情歸里東山師爲作潞河送別圖諸

同人詩以贈之

疎傳辭講筵解組歸茅蓬祖帳上東門車馬如游龍當

時競圖畫千載欽高風惜哉日斯邁白首邱園中漳江
蔡夫子蔚起推儒宗勅法貳秋官傳經侍

青宮盛年膺

帝眷譽望巖廊崇時吟陟屺詩簪黻非爲榮

叶吾

皇隆孝治至性廻

宸聰特許綵衣歸庭闈樂融融明發俱有懷去住或不
同由來性情地亦有機緣通丹青繼漢軌妙手東山公
潞柳何依依閩雲何濛濛一覽再三歎誰歎躡遐踪

奉

勅題竹繪屏二首

蘭

誰云滋澧浦乃是來洋州刻削霜斑痕繪此露晚幽采
采溪路夕蕭蕭嶺雲秋從知王者香端向君子求

竹

洗水不以水繪竹仍以竹幻真以真幻巧不文蘇獨打
牕偶無聲挂壁忽浮綠何以配幽姿懸之黃岡屋

題東山師畫竹

常見吾師寫墨竹萬箇龍孫動蒼玉打牕忽作風雨聲
破壁似有蛟螭鳴息齋與可不足道陽嶼仙人與同好
今朝忽寫綠雲叢筆端瑟瑟來春風暖雷未破玉芽縮
葉葉已帶煙朦朧昨宵剪燭吟蘇句頗怪先生太矜譽
槎枒何事着胸中空向牆頭畫枯樹卷裏墨君不解語

拜手文人吾與汝清音清影足怡情眼前便對瀟湘雨
綠羅帳曉夢此君仙兮欲來師不聞

畫梅竹松石橫幅成作歌

狂飈擊戶聲怒號寒肌生粟縮蜎毛濁醪一壺醉且舞
撐胸不覺槎枒交牆頭素紙八九尺以首濡墨兼爬搔
淋漓落瀟滿几案點滴不惜污春袍興來便欲跨烟雨
手斫榆桂攀柯條罡風凜冽吹不去橫吐一抹生慘梢
松根拳曲石磊砢竹枝瀟灑梅嬌妖筆踪墨跡渺莫辨
但覺眼底來風濤人生得意有神助豈藉杯盞增相豪
畫家刻劃少生意欲起再作愁醅醕圖成開戶仰天嘯
微塵不動冰輪高

戊寅春帖子三首

一路春聲好青旗接捷旗大宛神樹上先發向陽枝

玉律年華歲歲新瑤圖今紀廿三春唐虞甲子循環配

合得干支是戊寅

舜二十三年歲在戊寅
堯二十三年歲在寅

上闌風暖液池水元日櫻桃信怡應立春後五日知是

豐年先有兆春來好趁照田燈臘月廿五夜插燈照田
蠶見范成大詩廿六日

丑時立春正
在廿五夜也

題歲朝圖

暖律吹回萬象新芳菲滿眼最宜人筆端稱得東風意
徧與茅檐作好春

戊寅

送李預圃同年南歸

白雲過青空變幻在倏忽長安雲海人轉燭隨出沒佳
人閉朱戶永夜嚼冰雪肯與時世粧揚娥鬪織質峩峩
高冠子束髮共闔闔揮手謝時流輕與故人別誰嗑枯
桑風坐令芳草歇棄置如飛蓬衆裏勞嗚咽高懷吞雲
夢俗眼憎瑣屑豈知白鷗期前路入寥濶太湖三萬頃
流照一明月羣公崖畔還自失神仙窟

石鼓歌應

制刻

上命揚太學石鼓文藏之內府

御製詩

命內廷諸臣作詩以次刻橫旁

覓乎遐哉石鼓之文如典墳邃古法物今僅存嬴氏熾
火燒不得何況山溪野磴豈得虧其真周宣迄今三千

載永與盤鼎同珍陳隋志經籍或漏一歐陽疑信何紛
紜若以完毀別真僞復如追蠡嗤周文韓蘇前後發高
唱自餘作者姑無論我

皇法古鑒三代大蒐講武歲屢申左旛右隼飭徒御剔
剝苔蘚摹岐函龍伸虬屈上躡翼拗折釵股蟠雷紋唐
初搨本七百有二字宋元以後多沉泯岐山之石堅如
珉歲久亦似皮生皴儻哉楊慎謬矜俗竄割雅頌傷胚
渾要知斯文等上瑞片羽隻角皆鸞麟

帝庸作歌泐金石吉甫結舌難爲言藏之金匱詔萬世
寧止羅列誇橋門猗歟寧止羅列誇橋門鐫磨岱頂况
足云

環翠亭八景詩爲慶統領雲溪賦

蘿幄凝香

綠蘿蔭高軒古幹矯虛影不有拂座香幾疑龍蛇騁珍
瑰綴纓絡交翠牽藻苻亭午隔曦光能令夏月冷方支
石家幃坐待荀公領

方塘倒影

方池不盈畝底動百尺壁誰移愚公溪置此楊子宅涼
月過古鑑清光濕瑤席我欲坐臨池恐污一泓碧

樓納山風

樓牕開三面面對西山山雨不時至樓牕無日關緗
帙任開卷羅幃自飛翻有時滄然起雲與飛鳥還深谷

不可到高巖絕躋攀惟應此樓坐披襟消晝閒

東山秋色

方秋氣彌佳山色澹空碧微雨洗夜涼浩然送遠客
攀芳欲相贈之子隔楚澤采采東籬英盈階月華白

石罅生雲

誰云香爐峰遠在廬山上一夕雨氣滋虛庭海鋪漲
方知幽意足噓氣在石丈欹枕步虛空剡溪若相望何須
慕仙踪翹首企崑閩

夜合濃香

合歡兒女花芳態媚羅綺何來金張第一樹弄旖旎從
知脂粉心作意傍金紫高歌動翠條明燭照繁蕊七十

二鴛鴦花邊戲池水

竹牕夜雨

問訊得好語西牕有清陰
徑來事高枕翦燭話離心
主人重幽賞把臂期入林
愛此不墨畫解作無弦琴
嶺雲隔遠夢楚雨含淒音
因思昌谷園抽梢幾盈尋

迴廊夕照

窈窕百步廊迴對翠微頂

西山峯名

落日下高峯長檐弄光

景扶闌竹木深宿枝烏雀靜
稍見暝烟輕銀輪上東嶺

題畫送張尊湖之任黃州別駕二首

赤壁山頭明月古臨臯亭下大江寬
總持好景分符去不讓東坡作冷官

別當燕市難爲酒客到黃州例有圖不寫清香凝燕寢
聰明池上坐提壺

題謹堂汪冢宰師松泉圖

乾隆癸酉時暮春吾師手持縑題瓊笈之錦文云是
御筆松泉親賜字取之作繪傳子孫是時同直俱竦立
以次傳觀案頭集上有拏雲百尺之高松松根噴泉圖
疑濕就中晏坐神骨清巖廊叩壑同至情吾師高格誰
彷彿

天筆特與標其名雲臺麟閣此位置俗手欲贊目已瞠
戊寅之秋偶入直瞥見斯圖猶在側丹青如故人已非
開卷重看淚盈臆風流雲散幾春秋木壞山頽豈朝夕

天上騎箕不可知人間看畫徒相憶松聲如吼泉如號
圖中真有風翻濤六年回首愴存歿漫作悲歌繼大招

題熊滌齋寒江獨釣圖

王中丞畫

麓臺歿後無丹青遂令山水亡精靈去年奉使出牛首
江空天遠徒延停何來尺幅勢歆欲上有煙鬢搖吸噤
誰人妙解山川情長君傳得趨庭法滌齋先生氣豪宕
胸與長江共奔放家在西江住石城七十過頭意猶壯
興來貌得釣魚圖煙波漠漠聞漁唱但須一權著江中
不用三毫添頰上像極小長不滿寸取意而已憑君寄語爲圖者此
道於今能事寡長江不改舊時流難將好手尋梅冶中丞

號別

題李恒齋侍御賞番圖

恒齋前歲巡臺灣繡衣持節出賞番驛羊肩酒番民喜
飲公食公頌公美畫師設色貌我公羅列將校誇英雄
閩嶠長安七千里有人傳說長安中云是斯圖初畫得
裝潢曾挂轅門壁轅門武士狼如羊戟手羣觀俱目側
廈門波浪掀天風中有蜃氣噓長空人情險幻百於此
密劄曾聞謗羊子雞籠山頭紅日高驄馬無恙來趨朝
朝回過我出此卷始信蜚語真波濤人生失足在快意
雲雨從來翻手置願公緘圖聽我歌已見蛟螭起平地

汪烈女

塲嫁古所禁媒氏實職諸不聞栢舟詩慷慨明捐軀人

生重大節在禮不可踰至性偶或過猶較不及愈苟守
從一義豈以在室殊是皆發天真難爲繩尺趨皎皎平
陽女操比冰霜孤請吉方有期于歸乃徐徐無端歎黃
鵠不得歸青廬商風從西來吹此蕙草株杜宇啼朝昏
寧惜血淚枯絕粒臥空幃視死如夷途豈不念父母長
養恩辛劬豈不念兄嫂下九同歡娛忍痛別親故誓與
青陵俱旣稱未亡人不亡意何如淹然赴冥壑長恨今
則無昔爲異室處今作同牢居昔爲掩面悲今作笑口
呼素志良已遂存歿夫何吁惟留絕命詞永爲薄俗模

奉

勅題

御筆仿董香光臨黃子久天池石壁圖卽用董韻

墨客漫誇高致

仙壺妙寄餘閒向道名山似畫今看畫是名山

應

制南苑賜哈薩克布魯特塔什罕回人等觀煙火燈詞

八首

燈事今番色色新移來長至作新正排當西域三朝晏
借得東皇兩月春

苑路塵清錦幄開廣場近接晾鷹臺纔收烏火風雲陳
又鬪魚龍爵馬來

譜出人天三十二紅燈更結萬年歡黎軒只解旁行體

總把燈牌作字看

莫把蒲萄西域誇玲瓏萬顆燦光華最奇一點紅飛去
迸作筵前滿地花

萬道紅光耀太清煙中霹靂響同聲西邦莫道多樓櫓
認取當筵礮打城

絡繹珠光上下連蘭膏影裏踏歌傳共聽奏月光曲
一碧灣環待上弦

一線陽回取次迎暗塵應逐管灰輕若教太史書雲物
今夜祥雲五色明

長筵廣座列烏孫早有春光度玉門便作元宵今夕看
將軍報道破崑崙

絕域

絕域猶酣戰

王師未解圍雷霆天北震雨雪海西飛五里寧迷霧千
鈞已發機旄頭期迅掃得及早春歸

退直有感

請纓本是書生願慚愧從來國士期豈向東山悲雨雪
誰當西海斬鯢鯨羌戎未滅家何有日月如流志可知
親見

聖人方側席汗顏退食尚委蛇

歲暮有感

詩逋每欲逃蘇軾酒債何能乞鄭虔只有流光偏不吝

幾經輕擲又殘年